

समे – 12:25 hrs.

<><><><><><>

### Amit-Shah Srinagar

केंद्री गृह मंत्री अमित शाह होर मेद ऐ जे अज्ज श्रीनगर च सुरक्षा स्थिति दा जायजा लैडन। केंद्री गृह मंत्री होर 2 दिन दे दौरे पर कल पुज्जे हे। उनें बक्ख-बक्ख प्रतिनिधिमंडलें ते पार्टी कार्जकर्ताएं कन्नै मलाटी कीती। भारतीय जनता पार्टी दी मुकामी इकाई दे महासचिव सुनील शर्मा होरें आखेआ जे शाह हुंदा कश्मीर दौरा सियासी नेई ऐ। उनेंगी इस दौरान जम्मू-कश्मीर दे सुरक्षा अधिकारिएं आस्सेया चला रदे लोकसभा चुनां ते औंदी सलाना श्री अमरनाथ जी दी जातरा दे मद्देनजर सुरक्षा स्थिति बारे जानकारी दिती जाग। इस बरे सलाना श्री अमरनाथ जी दी यात्रा 29 जून गी शुरू होआ रदी ऐ ते एह यात्रा 19 अगस्त गी रक्खड़ पुन्नेया आहले दिन सम्पन्न होई जाग। केई सारे प्रतिनिधिमंडलें जिंदे पहाड़ी, गुज्जर ते बकरवाल, सिख, करनाह, कुपवाड़ा, सरपंचें ते किश लोकें उंदे कन्नै मलाटी कीती। एह बैठकां केई घेंटें तगर चलियां।

<><><><><><>

### 7<sup>th</sup> Phase Candidate Withdrawl

लोकसभा दे 7में गेड़ दे चुनां लेई मेदवारी वापस लैने दी अज्ज खीरी तरीक ऐ। इस गेड़ तैहत 7 राज्यें ते 1 केंद्र शासित प्रदेश दिएं कुल 57 लोकसभा सीटें पर पैहली जून गी वोट पोआए जाडन।

इंदे च उत्तर प्रदेश ते पंजाब दियां 13-13 सीटां, पच्छिम बंगाल दियां 9 सीटां, बिहार दियां 8 सीटां, ओडिशा दियां 6, हिमाचल प्रदेश दियां 4, झारखंड दियां 3 ते चंडीगढ़ दी 1 सीट शामिल ऐ। वोटें दी गिनतरी 4 जून गी होग।

<><><><><><>

### Campaign-Schedule

लोकसभा चुनाएं दे बाकी रौहंदे चरणें लेई चुनां प्रचार जोरें-शोरें कन्नै जारी ऐ। बक्ख-बक्ख सियासी पार्टिं दे नेता मुल भरै च रैलियां करा रदे न तां जे मतदाताएं गी अपने पक्ख च कीता जाई सकै। जम्मू-कश्मीर दी बारामूला ते अनंतनाग राजौरी सीट लेई 5में ते 6में गेड़ च चुनां होना ऐ। बारामूला लोकसभा हल्के च 20 मेई गी 5में गेड़ तैहत वोट पाए जाडन जिसले कि अनंतनाग राजौरी सीट लेई 25 मई गी 6में गेड़ तैहत मतदान होग। वोटें दी गितरी आला कम्म 4 जून गी होना ऐ। बारामूला पार्लियामानी हल्के लेई 20 मेदवार चुनां मैदान च न, पर मुख मुकाबला नेशनल कांफ्रेंस दे नेता उमर अब्दुल्ला ते जेल च बंद इंजीनियर रशीद हुंदे बश्कार मन्नेया जा रदा ऐ। अनंतनाग च मुख मुकाबला साबका मुखमंत्री ते पीडीपी प्रमुख महबूबा मुफ्ती ते नेशनल कांफ्रेंस दे मियां अल्ताफ ते अपनी पार्टी दे मेदवार जफर मन्हास हुंदे बश्कार मन्नेआ जा रदा ऐ।

<><><><><><>

## LG-Amarnath

उपराज्यपाल मनोज सिन्हा होरें मुख्य भरें ते बाहरले मुख्यें दे श्रद्धालुएं गी श्री अमरनाथ जी दी यात्रा पर औने दा साद्दा दिता ऐ। सिन्हा होरें इनें लोकें गी अपील कीती ऐ जे ओह समानता, भाईचारा, मनुक्खता ते समोद दे संदेशवाहक बनन। एह गल्ल उनें कटड़ा च इक कार्यक्रम गी संबोधित करदे होई आक्खी। 52 दिनें दी एह यात्रा 29 जून गी शुरू होग ते 19 अगस्त गी रक्खड़ पुन्नेया आले दिन सम्पन्न होई जाग। उपराज्यपाल होरें अपने संबोधन च आखेआ जे वैदांतिक अभ्यास च श्रवण, मनन ते निदिध्यासन त्रै थम्म न। उनें श्रद्धालुएं गी भागवत दा सनेहा फैलाने, समाज च विचार गी फैलाने, बरोबरी लेई अपने आपा गी समर्पित करने लेई लोकें गी प्रेरित करने, भाईचारे ते मानवता दे संदेशवाहक बनने लेई आग्रह कीता।

<><><><><><>

## Katra Accident

रियासी जिले दे कटड़ा कस्बे कश पेश आए दे शिड़क हादसे च 6 यात्रु गड्डी दी ट्रक कन्ने टक्कर होई गई। आकाशवाणी जम्मू संवाददात दी रिपोर्ट मुजब इस हादसे च 6 लोक घायल होए जिंदे चा 4 गंभीर तौर पर जख्मीं होए न। गड्डी च 45 यात्रु हे, एह गड्डी कटड़ा थवां कश्मीर जा रदी ही। हादसे दी खबर थहोंदे गै पुलस दी टीम ते मुकामी लोक मौके आली थाहर पुज्जे ते बचाव अभियान शुरू करी दिता। घायलें गी कटड़ा दे अस्पताल लेता गेआ जिंदे चा 4 गी जीएमसी जम्मू रैफर कीता गेआ।

जेडे जख्मीं होए न ओह महाराष्ट्र दे दस्से जा रदे न। पुलसा नै इस सरबंधे च मामला दर्ज करी लैता ऐ ते अगड़ी पड़ताल कीती जा रदी ऐ।

<><><><><><>

### Doda-Development Project

डोडा दे जिला विकास कमिशनर हरविंद्र सिंह होरें वीरवारें इक बैठक लाइए विकास स्कीमें, केंद्री शिड़क कोष ते नाबार्ड आस्सेया तोड़ चाढ़े जा रदे बक्ख-बक्ख बड़डे प्रोजैक्टें दे कम्मकाज दा जायजा लैता। उनें पीडब्ल्यूडी डिविजन डोडा तैहत चला रदे कम्में दा बी निरीक्षण कीता। जिला विकास आयुक्त होरें शिड़क निर्माण, उंदा रख-रखाव, उनेंगी ठीक करना, कम्में दी दफ्तार, कम्में गी समें सिर पूरा करना, बेहतर राबता ते पांचागत सुविधाएं दा जायजा लैता। उनें जीएमसी डोडा दी ईमारत, खडेरने लेई बहु मंजिला इमारत, शॉपिंग कम्प्लेक्स वगैरा दा जायजा लैता। उनें मुतलका अफसरें ते अधिकारिणें गी आखेआ जे ओह चला रदे कम्में दी रफ्तार गी बदान ते इनेंगी समेंसिर पूरा करना यकीनी बनान। उनें बक्ख-बक्ख मैहकमें ते एजेसिणें बश्कार नेइमें ताल-मेल पर जोर पाया तां जे कम्में च आवा रदी रुकावट या होर कुसै समस्या दा समेंसिर हल निकली सकै।

<><><><><><>

### IPL

आई.पी.एल क्रिकेट च सनराइजर्स हैदराबाद नै प्ले ऑफ लेई क्वालीफाई करी लैता ऐ। एहदे शा पैहले गुजरात टाइटन्स दे खलाफ उंदा मैच लगातार बरखा करी टॉस दे बगैर गै रद्द करना पेई गेआ।

रायल चैलेंजर्स बेंगलुरु ते चेन्नई सुपर किंग्स बश्कार प्ले ऑफ च चौथी ते खीरी थाहर् लेई लड़ाई अजें बी जारी ऐ। अज्ज मुम्बई इंडियन्स दा मुकाबला लखनऊ सुपर जायंट्स कन्ने होग। वानखड़े स्टेडियम च एह मैच संझा साङ्गे 7 बजे शां खेङ्गेया जाग।

<><><><><><>

## Women-Boxing

महिला मुक्केबाजी च मजूदा विश्व चैंपियन निखत जरीन होरनें त्रै मुक्केबाजें दे कन्ने कजाकिस्तान दी राजधानी अस्ताना च एलोर्डा कप 2024 दे फाइनल च पुज्जी गई ऐ। निखत जरीन नै कल महिलाएं दे 52 किलोग्राम भार वर्ग च मकामी मुक्केबाज टोमिरिस मिर्जाकुल पर 5-0 कन्ने बड़ी प्रभावशाली जित दर्ज कीती। 48 किलोग्राम भार वर्ग च मीनाक्षी नै कजाकिस्तान दी मुक्केबाज गुलनाज बुरीबायेवा पर जित दर्ज कीती। जदके 60 किलोग्राम भार वर्ग च मनीषा नै तंगतर असेम गी हराया। 50 किलोग्राम भार वर्ग च अनामिका वास नै कजाकिस्तान दी गुलनार तुरापवे पर जित दर्ज कीती। फाइनल मुकाबला कल होग।

<><><><><><>